



Bykle kommune
Bykle ser langt



KOMMUNEPLAN FOR BYKLE

2016 - 2026

SAMFUNNSDELEN

Vedtatt av kommunestyret 27.09.2017

INNHOLD

FORORD	3
INNLEIING	4
OVERORDNA MÅL FOR KOMMUNEN SI UTVIKLING	5-6
NASJONALE OG REGIONALE FØRINGAR	7
DEMOGRAFISK UTVIKLING	8
ØKONOMISKE FØRESETNADER	8
SAMFUNNSDELEN	11
KLIMA	12
DET GODE LIV	14-15
UTDANNING	17
KOMMUNIKASJON	19
KOMMUNIKASJON I LOKALSAMFUNNET	20
KULTUR	21



FORORD

Kommuneplanen er Bykle kommunes viktigaste styringsdokument og skal legge fôringar for satsingsområde og arealbruk i fleire år framover.

Mange har teke del og kome med innspel, både til arealdelen og samfunnssdelen. Eg er glad for dette engasjementet. Det er viktig at vi klarer å balansere arealbruken slik at vi ser langt fram. Samstundes må vi gjere vårt til at det er muleg å leve eit godt liv i Bykle her og no, både for fastbuande og gjester. Vi vil gjerne stå fram som eit raust og inkluderande lokalsamfunn.


Bykle kommune må utvikle seg vidare som Agders viktigaste vinterdestinasjon, og samstundes må vi arbeide hardt for å få fleire heilårlege arbeidsplassar i privat sektor. Vi ynskjer å legge til rette for gode bumiljø, slik at folk vil slå seg ned.

Vi ynskjer at folketalet skal auke! Skal vi fortsette å sjå langt og tru på ei positiv utvikling for kommunen vår, må vi alle yte og ha eit ope sinn til å møte nye innbyggjarar og utfordringar som vi som samfunn står over for.

Eg gler meg til framtida.

Jon Rolf Næss

Ordførar i Bykle 2017




Tusen takk for bildebidrag via vår Instagramkonto Bykle kommune #kpBykle

INNLEIING

Kommunestyret vedtok i 2016 å ta gjeldande kommuneplan for perioden 2010 til 2022 til revisjon. Både kommuneplanen sin samfunnsdel og arealdel blir no revidert.

Kommuneplanen skal vere kommunen sitt overordna styringsdokument. Kommuneplanen er heimla i plan- og bygningslova, og inneheld ein samfunnsdel og ein arealdel. Planlegginga skal ifølge lova «*stimulere og samordne den fysiske, miljømessige, økonomiske, sosiale, kulturelle og estetiske utviklingen i kommunen og sikre befolkningen muligheter til påvirkning av kommunens utvikling*».

Målet med samfunnssdelen er at den skal gi overordna mål og strategiar for ei langsigktig og berekraftig utvikling av kommunen. Samfunnssdelen skal sjå på både kommunesamfunnet som heilskap og kommunen som organisasjon. Arealdelen skal konkretisere måla frå samfunnssdelen og skal styre den fysiske utviklinga av kommunen. Kommuneplanen skal prøve å spegle av utviklinga og vise samanhengen mellom framtidig arealbruk og samfunnsutvikling. Arealdelen er ein strategisk plan for Bykle kommune i eit 10 års perspektiv som gir hovudrammer for arealdi disponering og vilkår for nye tiltak og arealbruk.



Kommuneplanen skal ta inn over seg både kommunale, regionale og nasjonale mål, interesser og oppgåver og bør innehalde dei viktigaste måla og oppgåvene i kommunen så langt dette er muleg.

Planprosess og medverknad

Revisjon av kommuneplan Bykle blei varsle i juli 2016, og 15.09.2016 blei planprogrammet vedtatt av kommunestyret.

Planutvalet i Bykle kommune har vore styringsgruppe. Rådmannen saman med planavdelinga har vore den administrative gruppa. Leiargruppa, samt andre tilsette innan sine fagfelt, er blitt brukt som ressurspersonar.

Medverknad i planarbeidet er viktig for at både innbyggjarar, hyttebyklarar og utbyggjarane får eigarskap til planen. Medverknad og deltaking tidlig i prosessen vil styrke engasjementet og involveringa gjennom heile planprosessen. Det har blitt halde to folkemøter og ein folkehelseverkstad etter at det blei varsle oppstart av planarbeid. I tillegg har det blitt halde fleire gjestebod. Målet med denne metoden var at «gjestebodet» skulle fange opp innspel og synspunkt frå dei som vanlegvis ikkje stiller på folkemøta. Ungdomskulen er også involvert.



Setesdal - Noreg tett på / Anders Martinsen
Fotografer

OVERORDNA MÅL FOR KOMMUNEN SI UTVIKLING

Innleiing

Bykle er rik på det som er fint å vokse opp med, og som gir barna våre grunnleggjande verdiar, ei god ballast å ta med seg vidare. God kommuneøkonomi har gjort det muleg å investere i gode tilbod innan helse- og sosialtilbod, barne- og ungdomstilbod, kultur- og fritidstilbod. Her kan alle oppleve ein god oppvekst, eit mangfold av fritidstilbod og ein trygg alderdom. Fritidstilboda er omfattande året rundt og over 30 friviljuge organisasjonar gjer det muleg å vere aktiv og finne seg gode vene her.

Som innbyggar i Bykle kommune nyter ein godt av dei ulike tilboda kommunen har satsa på ved eit heilårleg reiselivstilbod. Ein roleg novemberdag kan vi vere 950 personar totalt, og midt i påska kan det vere langt over 15 000 på besøk her. Hovden er eit heilårleg reisemål og den største ski destinasjonen i Agder.

Reiselivsnæringa har eit betydeleg tyngdepunkt på Hovden og er den viktigaste vekstnæringa i kommunen. Både med omsyn til økonomi og ikkje minst sysselsetting, har reiselivsnæringa stor verdi også for verksemder ut over det som blir karakterisert som reine reiselivsbedrifter.

Utfordringar

Bykle kommune har hatt eit stabilt folketal, på 952 innbyggjarar per 4. kvartal 2016.

Sjølv om det ikkje er tendensar til at folketalet går ned, er det ei sentral utfordring for kommunen å auke tilflytting og få ein sterkare vekst i folketalet.

Det er ulike utfordringar i bygdene i kommunen. Vi vil ha nye byklarar, men vi vil også halde på dei vi har. Forsking viser at det er tilbakeflyttarar etter endt utdanning som i stor grad skaper vekst i distrikta. Bykle kommune må i framtida satse på å trekke til seg og halde på denne målgruppa. Vi må skape gode bamiljø, trygge samfunn og legge til rette for at familiar slår seg ned i kommunen.

Ei spreidd befolkning med relativt høg del innvandrarar gjev eit samansett utfordringsbilete med omsyn til sosial deltaking. Kva vi saman kan gjere for å fremme psykisk helsa og trivsel vil vere eit prioritert område for folkehelsearbeidet i tida som kjem.

Utfordringar med sesongbaserte arbeidsplassar og mangel på variasjon i kompetansearbeidsplasser gjer at Bykle kommune vil få større utfordringar med rekruttering og tiltrekkingeskraft i framtida. Vi må jobbe for eit sterkt og allsidig næringsliv i privat sektor. Nedgang i kraftinntekter gjer at Bykle kommune vil møte nye utfordringar i tida framover. Vi vil oppleve eit auka behov for omlegging og tilpassing til dette.



Foto: Sigrid Bjørgum

Hytteutbygging og reiseliv er viktige kjelder til utvikling for kommunen, samtidig som det er areal- og ressurskrevjande næringar. Store folkemengder i helger og feriar gir store svingingar i folketalet, og krev eit stort offentleg apparat for å takle.

Bykle kommune skal arbeide for å styrke og legge til rette for landbruk og beitedyr som held oppe kulturlandskapet og fremjar det biologiske mangfaldet.

Naturressursar som villrein, vasskraft og storstått natur i høgtliggende klima er Bykle kommune sine sterke sider, men dei er også ein del av kommunen sine største utfordringar. Bykle kommune har mykje verna areal som er viktige funksjonsområde for villrein. Gjennom å utvikle besøksstrategi ynskjer ein å bruke villrein som ein ressurs der ein balanserer bruk og vern. Vidare utvikling av kommunen som berekraftig reiselivsmål og som ein forvaltar av viktige nasjonale naturressursar står sentralt i arbeidet med kommuneplanen. Bykle skal sjå langt i også dei neste 20 årene.



Foto: Astrid Steensby

Mål

I den vidare utvikling av kommunen er det eit overordna mål å auke folketalet i kommunen til over 1000 innbyggjarar. Vi må ha som hovudmål å styrke det private næringslivet og utvikle arbeidsplassar som

ikkje kjem i konflikt med vår rolle som forvaltarar.

Bykle kommunen må arbeide for å utvikle eit næringsliv med høg verdiskaping, vekst og lønsemd.

Kommunens arealressursar må vidare forvaltas slik at verdifulle natur, frilufts- og rekreasjonsområder sikrast for framtidige generasjoner. Hovden som ski destinasjon er viktig for næringslivet og oss lokale, samtidig som reiseliv er ein slitasje på kommunens areal. Det er derfor eit sentralt mål for kommunen å ha eit langsiktig perspektiv når det gjeld arealplanlegging og ressursbruk. Vi skal ha som mål å satse vidare på Hovden som destinasjon og dei utbyggingar som det krev, samtidig som Bykle må stå fram som en attraktiv kommune for dei som bur og bygger hytter her.

Hovudmål:

Bykle kommune skal ha eit langsiktig perspektiv på utvikling og forvalting av kommunen sine ressursar.

Delmål:

- I 2026 skal innbyggartalet i Bykle kommune vere over 1000. Bykle kommune skal auke talet på heilarlege arbeidsplasser i privat sektor, innafor ulike faggrupper
- I 2026 skal Bykle kommune fortsette å vere Agders største og beste vinterdestinasjon.
- Bykle kommune skal sikre og utvikle eit variert bustadtilbod, lokalisert ut frå omsynet til samordna bustad- og arealplanlegging.
- Vi skal saman skape eit samfunn som gjev alle like gode muleheder til god psykisk helse og trivsel heile livet.
- Bykle kommune skal vere ein pådrivar for gode regionale og interkommunale samarbeid.

Nasjonale og regionale føringer

Nasjonale føringer

I følge plan- og bygningslova § 6 -1 skal miljøverndepartementet kvart fjerde år utarbeide eit dokument med nasjonale forventingar til regional og kommunal planlegging. Desse skal leggast til grunn for kommunestyret sitt arbeid med kommunale planstrategiar og planar. Desse er:

- Gode og effektive planprosessar.
- Berekraftig areal- og samfunnsutvikling.
- Attraktive og klimavennlege by- og tettstadsområde.


Regionale føringer

Aust-Agder fylkeskommune har vedtatt fleire planer som også vil vere retningsgivande for kommunal planlegging. Dette er eksempelvis:

- Regionplan Agder 2020
- Regional plan for Setesdal Vesthei, Ryfylkeheiene og Setesdal Austhei. Heiplanen (2014).
- Strategi for forskning, utvikling og innovasjon i Agder 2015 – 2030
- Besøk Agder 2030

Kommunale temaplanar som er førande for kommuneplanen:

- Kulturminneplan
- Plan for kommunal kriselening
- Handlingsprogram for idrett, friluftsliv og kulturbrygg
- Energi og klima plan
- Trafikktryggleiksplan
- Kulturpolitisk handlingsplan
- Tur og skiløypeplan




Setesdal - Noreg tett på / Anders Martinsen Fotografer

Demografisk utvikling

Folketalsutviklinga i Bykle har over ei tidslinje på 10 år vore positiv med ein auke på 71 innbyggjarar frå 01.01.2006 til 01.01.2016. Etter ein nedgang i 2012 og 2013 viste kurva ein utflatande tendens. Prognosane frå SSB tilseier ein vidare vekst i åra framover. Frå 1974 og fram til i dag er folketalet dobla. For landet som heilskap har auken i same 40- årsperioden vore på 28 %.

I følge SSB er forventa utvikling av folketalet i 2030: 1159 innbyggjarar/ 2040: 1275 innbyggjarar. Utvikling i folketal for ulike aldersgrupper er ein av dei viktigaste faktorane som styrer behovet for kommunale tenester. Bykle kommune skal ha som mål å oppnå større vekst enn prognosane viser, spesielt i aldersgruppa 25 – 45 år.



Økonomiske føresetnader

I plan og bygningslova § 3-1 står det at planlegginga etter lova «skal bygge på økonomiske og andre ressursmessige forutsetninger for gjennomføring og ikke være mer omfattende enn nødvendig». Bykle kommune er i dag ein kommune med eit omfattande og godt tenestetilbod til liten og stor, ung og gammal, fastbuande og tilreisande. Det overordna målet er at dette også er tilfelle i 2026. Resultat vert til gjennom systematisk jobbing over tid. Dei ulike kommunestyra i Bykle har i tidlegare periodar hatt eit langsiktig perspektiv over arbeidet. Det nyt ein fruktene av i dag.

Økonomien til kommunen har gjort dette mogeleg.

Utviklinga i dei økonomiske rammer for kommunen endra seg sterkt i negativ lei. Handlingsrommet er redusert med omlag 35 mill. – 40 mill. pr. år over ein periode på 10 år. Bykle kommune må jobbe aktivt framover mot 2026 med å snu denne trenden. Mest mogleg av inntektene som blir generert av naturressursane våre, må brukast til å bygge opp ein kommune med vekstkraft.



Foto: Marit Simonstad Kvaale



Foto: Sigrid Bjørgum

SAMFUNNSDELEN



Setesdal - Noreg tett på / Anders Martinsen fotografer

I samfunnsdelen for Bykle har ein valt å bruke Regionplan Agder 2020 som mal og tilpasse den til eit kommunalt nivå. Dette gjer at ein får ei anna vektlegging av dei ulike tema og at tiltaka blir svært ulike på kommunenivå. Dette vert gjort for å vise korleis vyar og store tankar vert endra når det skal ned på nivået til kommuneleiinga og einskildmenneske.

Bykle kommune har sidan 1980-talet vore ein kommune med god økonomi, takka vere naturressursar som vasskraft. Desse ressursane og inntektene har kome heile landsdelen til gode. Det har utvikla seg ein kultur i Bykle kommune der kommunen har tatt mange oppgåver som ikkje har

vore lovpålagde, men som ein etter kvart har tatt for gitt. Dette prøver ein no å kome bort frå, både gjennom den gjennomgangen som er sett i gong av alle tenesteeiningane, og gjennom eit strammare budsjett. Å halde oppe kvaliteten på alle kommunale anlegg og bygg vil vere utfordrande.

Ved eit noko redusert offentleg tenesytingsnivå, vert frivillig engasjement og frivillige organisasjonar viktige. Dette betyr også at god utnytting av dei menneskelege ressursane er viktigare enn nokon gong. Ei godt samspel mellom kommune og interesseorganisasjonar er avgjерande for å lukkast.

KLIMA

Mål i regionplan: Høge mål- låge utslepp

MÅL FOR BYKLE:

Bykle kommune skal vere trygg og framtidsretta i det grøne skifte.
Verdiskaping bygd på naturen og fornybar energi skal kome Bykle til gode.

Delmål:

- Legge til rette for miljøvenleg og kollektiv transport innad i kommunen (grendebuss).
- Satse på bioenergi, og planlegg med tanke på dette.
- Forvalte naturverdiar og kulturlandskap i eit langsiktig perspektiv.
- Legge til rette for landbruk, kortreist mat og bruk av utmarksbeite.
- Vidareutvikle vasskraft med fokus på lokalmiljø.
- Førebygge og minimere konsekvensar av uønska hendingar og klimaendringar.

I dag står verda overfor store klimaendringar. Stortinget har difor vedteke at alle kommunar skal bidra til å redusere utsleppet av klimagassar og tilpasse lokalsamfunnet til å bli meir «grønt». Ikkje bare må vi alle redusere utsleppa våre, men vi må også finne på nye metodar, som for eksempel fornybar energi. Klimaendringane fører blant anna med seg fleire utfordringar knytt til ras/skred og flaum. Bykle kommune skal vere ein trygg kommunen der vi skal ta omsyn til klimaendringane i planlegging av kommunen si framtid. Vi skal ta vare på naturen i kommunen vår, og utnytte den utan at det gjer skade på korkje den eller klimaet.

Bykle har fleire store vasskraftmagasin, og kraftverk som produserer rein energi. Dette er store bidrag til Noregs si satsing

på fornybar energi. Mykje av inntektene nyter kommunen godt av, men dette vert også rekna som fellesgode. Kommunen er avhengig av at dette kjem lokalsamfunnet til gode. Vi har og eit ansvar for å ta vare på miljøet lokalt, ved ulike driftsmåtar i kraftverka.

85 % av Bykle kommune ligg høgare enn 900 moh. Ekstremvær høgt til fjells vil difor gi store utfordringar knytta til arealforvalting i framtida. Bykle arbeider godt og systematisk med beredskap. Bykle kommune skal legge den overordna risiko og sårbarhetsanalyse (ROS) til grunn for all kommunal planlegging. Gjennom kunnskap og praktiske øvingar kan ein skape ein robust kommune som kan takle store utfordringar. I framtida må vi klare å planlegge slik at vi unngår skade og ulykke på grunn av klimaendring. Vi må i tida framover fortsette å ha eit sterkt fokus på samfunnssikkerheit.



Setesdal - Noreg tett på / Stian Andre Reinertsen




Foto: Otrakraft DA

DET GODE LIV

Mål i regionplan: Agder for alle

MÅL FOR BYKLE:

Bykle kommune skal vere så attraktiv at folk som bur her vil bli, og at nye vil flytte hit. Det skal vere godt å bu og arbeide her heile livet.

Vi må fokusere på næringsutvikling for å skape heilårs arbeidsplassar.
Vi skal legge til rette slik at alle kan ha god helse.

Delmål:

- Legge til rette for nye arbeidsplassar, særleg i privat sektor.
- Vere opne for mangfold og satse på likestilling.
- Vidareutvikle tur-veg nettet.
- Ha gode system for å inkludere nye som kjem til kommunen.
- Vidareutvikle betre samlingsplassar for ungdom.
- Stø oppunder familiene med tanke på ein god oppvekst for alle.
- Utvikle møteplassar der fleire generasjonar kan samlast.
- Arbeide målretta for å utjamne sosiale helseeskilnader.

Folkehelseoversikta viser at folk stort sett har det godt i Bykle. Likevel gjev den viktige føringar for den langsiktige strategien.

Statistikk viser at Bykle kommune ikkje aukar i folketal slik ein håper på. Sjølv om Bykle ikkje viser same negative trend som andre kommunar i Setesdal, må vi vere kreative for å få folk til å busette seg og bli verande her.

Det er mange faktorar som avgjer om folk finn «det gode liv» her i kommunen: arbeidsplassar, integrering, bustadpolitikk, næringsliv, fellesgodar, aktivitetar, nærmiljø.

Bustad og arbeid er viktig for å få folk til å flytte til Bykle. Trivsel og godt sosialt nettverk er viktig for at folk skal bli her. Det må difor arbeidast kontinuerleg med å skape gode bu- og arbeidsmiljø, gode møteplassar og gode anlegg for idrett og kultur.



Setesdal - Noreg tett på / Anders Martinsen
Fotografer

Heilårsarbeidsplassar er viktig for å få fastbuande som slår seg ned her. Særleg i

reiselivet er det mange sesongarbeidsplassar. Utvikling av Bykle kommune som eit heilårs reisemål er difor viktig for å få meir fast busetting. I tillegg til dette må kommunen trekke til seg varierte heilarlege arbeidsplassar gjennom å vere offensive og stadig ha ledige areal til nye næringar.

Vi vil arbeide for å integrere nye som kjem til Bykle. Det er viktig at folk opplever at dei bidrar til lokalsamfunnet, samtidig som dei er ein del av det lokale nettverket.

Dei fleste som flytter til Bykle klarer å skaffe seg bustad, takka vere at kommunen disponerer ein del bustader eller at det er private til leige. I framtida må vi, særleg på Hovden, regulere inn fleire bustadtomter. I Bykle kyrkjebygd vil ein arbeide for stimulere til auka privat bustadbygging.

Kommunen har for få heilarlege arbeidsplassar, og for lite arbeidsplassar i privat sektor. Hyttebygging skaper

arbeidsplassar, men det er svært krevjande å tenke nytt rundt dette med arbeidsplassar i distrikta. Måletta arbeid med næringsutvikling i eitt breitt perspektiv vil ha høg prioritet.

Folkehelse begynner tidleg og ein god barndom varer resten av livet. Gjennom å styrke familien som vår viktigaste base i livet, kan folkehelse betrast. I familien lærer vi å takle utfordringar og utvikle oss til eit sjølvstendig individ. Ein ser også at utdanningsnivå spelar inn. Det er difor viktig at barn og unge ser verdien av utdanning, helst slik at alle som har med barn og unge å gjere, dyttar dei opp og fram. Sunne sosiale nettverk, gjerne på tvers av generasjonar, gjer at samhaldet blir styrka og det individuelle presset blir mindre, særleg på unge som skal forme framtida si.



Setesdal - Noreg tett på / Anders Martinsen Fotografer

UTDANNING

Mål i regionplan: Verdiskaping bygd på kunnskap

MÅL FOR BYKLE:

Bykle kommune skal ha gode vilkår for god læring heile livet, frå barnehage til vidaregåande skule og vaksenopplæring.

Delmål:

- Legge til rette for livslang læring.
- Trygg skuleveg for alle.
- Fleire læringsplassar, også i privat sektor.
- Arbeide aktivt for god folkehelse for å hindre fråfall i den vidaregåande skulen.
- Ha fokus på lokal natur og kultur i skulen.
- Vidare utnytting av potensiale ved Hovden vidaregåande skule, også når det gjeld lokale elevar.
- Arbeide for meir desentralisert utdanning.

Det er i dag barnehage både i Bykle og på Hovden med til saman 51 barn. Bykle kommune har barneskule på Hovden og i Bykle og ungdomskule i Bykle med til saman 99 elevar. Vaksenopplæringa har hovudavdeling i Bykle med ca 20 deltakarar og ei lita avdeling på Hovden med omlag 5 deltakarar. Setesdal Vidaregåande skule har avdeling på Hovden med omlag 100 elevar.

Vi har plass til og tek gjerne imot fleire barn i både barnehagane og skulane! Det vil berre gjøre det sosiale miljøet og læringsmiljøet meir variert og dermed endå betre. Det er eit mål at flest muleg av

dei som jobbar i kommunen også bur i kommunen.

Barnehagane og skulane i Bykle har gode rammevilkår når det gjeld økonomi, bygningar, uteområde og læremidlar. Dermed har barn, foreldre og tilsette eit særskilt godt grunnlag for å gje barna i Bykle eit godt og stimulerande miljø for positiv utvikling både sosialt og fagleg.

I barnehagane og skulane er vi aktive ved å delta på sentrale forskingsbaserte satsingar som gjev fagleg utvikling i den enkelte barnehage og skule. Døme på dette er «Agderprosjektet» for barnehagane, «Språkløyper» for både barnehage og skule og «Vurdering for læring» og «Skriving i alle fag» for skulane.



Setesdal - Noreg tett på / Kristian Longford



Foto: Sigrid Bjørgum

KOMMUNIKASJON

Mål i regionplan: Dei viktige vegvala

MÅL FOR BYKLE:

«Gul stripe til Hovden»

Delmål:

- Vere aktive i høve til regional og nasjonal vegutbygging.
- Prioritere gåande og syklande i planlegging.
- Legge til rette og satse på kollektiv transport.
- Få plass tilbod om grønnebuss og taxi.
- Vere ein pådrivar for vidare utvikling av fiber i kommunen og i regionen.

Med kommunikasjon kan vi meine ulike ting, og i kommuneplanen har vi valt å dele dette tema i to. Det som gjeld infrastruktur og det som gjeld kommunikasjon mellom innbyggjar og kommune og innad i kommuneorganisasjonen.

Vegutbygging er ein viktig premissleverandør for å kunne satse sterkt på reiselivet i Setesdal. For Bykle kommune sin del er infrastruktur sjølve bærebjelken for næringsutvikling. For Agder-fylka har det vore viktig å få gode vegar i «ankeret» på Sørlandet, Rv 9, E 39 og E 18. Målet om gul stripe frå Kristiansand til Hovden er delvis oppfylt. Det ligg i dag klare fleire vedtekne reguleringsplaner på utbetring av riksveg traseen. Opprusting av resten av Rv 9 for å nå målet om gul stripe til Hovden innan 2023 i kampen med andre strekningar er utfordrande, og må prioriterast i åra framover.

For Bykle kommune som reiselivsdestinasjon er det positivt at den nye hovudferdselsåra mellom Oslo og

Bergen blir E 134, fordi det då kan generere meir trafikk mot Hovden.



Setesdal - Noreg tett på / Anders Martinsen
Fotoografer

Setesdal har no fått hurtigladestasjonar fordelt utover dalen. Det er ladestasjonar både i Bykle og på Hovden. I framtida skal Bykle kommune satse enda meir på miljøvennlig transport, og etablering av fleire ladestasjonar kan vere eit ledd i denne utviklinga. Elbilar nyttar straum som er lokalt produsert, og Bykle har i dag eit overskot av straum. Dermed bruker vi ein lokal ressurs som er både energieffektiv og klimavenleg.

Det er godt utbygd breiband og fibernet i heile kommunen, og det vert stadig vidareutvikla i nye områder.

KOMMUNIKASJON I LOKALSAMFUNNET

MÅL FOR BYKLE:

Bykle kommune skal vere ein arena for god og sakleg kommunikasjon der alle er verdsett.

Delmål:

- Vidareutvikle og satse på digital informasjon.
- Ha etisk nettkommunikasjon.
- Open og ærleg kommunikasjon innad og utad i kommunen.
- Vere eit truverdig forvaltingsorgan.
- Ein skal ha fokus på innbyggarservice og på å gjere brukarane nøgd med tenestene.
- Lage kommunikasjonsstrategi i løpet av planperioden.
- Stimulere til politisk engasjement og ein levande samfunnsdebatt.

Bykle kommune er den som sysselset flest i kommunen og ynskjer å ha fokus på eit godt arbeidsmiljø. God og effektiv tenesteyting med høg kompetanse er viktig for framtidsretta bruk av ressursane. Trivsel på arbeidsplassen er det viktigaste for at mennesket skal kunne nå sitt fulle potensiale og yte maksimalt.

Det er ulike meininger om kva måte informasjonsutveksling skal skje på. Informasjon og kommunikasjon er viktig for eit vel fungerande, demokratisk lokalsamfunn.

Innbyggjarane i ein kommune tek i bruk stadig nye medium for å hente informasjon og for å kome i kontakt med forvaltingsorgana. Bykle kommune ynskjer å vere framtidsretta i bruk av digitale

medium. Det er viktig med gode informasjonsløysingar og arenaer for kommunikasjon som er tilpassa alle generasjonar.



Setesdal - Noreg tett på / Anders Martinsen
Fotografer

KULTUR

Mål i regionplan: Kultur-opplevingar for livet

MÅL FOR BYKLE:

Bykle kommune set pris på mangfaldet.

Delmål:

- Ta vare på og utvikle det gode kulturtilbodet.
- Arbeide for å vidareutvikle anlegg for idrett, kultur og friluftsliv.
- Stimulere til eit variert tilbod av frivillige lag og organisasjonar og marknadsføre desse.
- Spele på historia vår og det som er særmerkt for Bykle.
- Løfte og fremje eigne tradisjonar, og vere opne for nye.
- Satse på kulturtilbod som engasjerer kropp og sjel.
- Bykle kommune skal anerkjenne og legge til rette for ulike trus- og livsynsamfunn i ein inkluderande og mangfoldig kommune.
- Satse på kulturminne som er prioritert i kommunedelplan for kulturminne.



Foto: Bykle husflidlag

Dei fleste er einige om at kulturtilbodet Bykle kommune er bra. Både Hovden og Bykle har bemanna kulturhus med treningstilbod og godt utstyrt bibliotek, og bruken av dei fleste kulturtilbod er

aukande. Dette har med korte avstandar både fysisk og mellom brukarar og dei som tek avgjærder. Kulturtilbodet er eit lågterskeltilbod som gjer det godt egna for integrering og som ledd i folkehelsearbeid. Det er gode formidlingsarenaer i kommunen, slik at ulike typar arrangement er muleg å gjennomføre.

Den store dugnadsånda, og korpset av frivillige organisasjonar gjer at det er lett å få til store arrangement.

Vi har fleire museumsbygg som er godt vedlikehalde og i framtida må vi sikre at desse vert godt teke vare på. Mykje av den immatrielle kulturarven er godt dokumentert gjennom radioopptak, film og bøker.

Bykle kommune har nyleg vedteke kommunedelplan for kulturminne og vi har kulturpolitisk handlingsplan.



Setesdal - Noreg tett på / Anne Hasla



Setesdal - Noreg tett på / Øystein Kvanneid